



Universitätsbibliothek Paderborn

Instructio practica ...

Institutiones Theologiæ Mysticæ, Seu Facilem & practicum modum
Exercitia Spiritualia S.P. Ignatii Loyolæ per octiduum faciendi - item
triduanam recollectionem fructosè instituendi complectens, Et
Sacerdotibus Præcipuè, aut de Sacerdotali Statu suscipiendo
deliberantibus accomodata, Una cum ...

Lohner, Tobias

Dilingæ, 1680

Med. finalis de gratiarum actione pro felici successu Exercitiorum.

[urn:nbn:de:hbz:466:1-48834](https://nbn-resolving.org/urn:nbn:de:hbz:466:1-48834)

dium; quis enim sitibundus non malit ex ipso fonte, quam ex lacuna aut cisterna aquam haurire? quis famelicus non malit verum, saporis dissimulatumque cibum, quam depictum fructum satiandæ adhibere? quis pauper non malit thesaurum, quam paucos nummos accipere? quæ virgo non potius in sponsum eligat formosissimum juvenem, quam deformem & leprosum Æthiopem? an non ergo & tu illatibi S. Anselmi præ clara verba applicabis: *Quid vagaris ô Homuncio, quæres bona anima & corporis? quære unum bonum, in quo est tibi me bonum, & sufficit.* Colloquium ad Christum illa S. Bernardi verba eum affectu repetendo: *IESU summa beatitudinis, mira cordis iucunditas, incomprehensa bonitas, tam fringat charitas.*

Legatur ex lib. 3. de imitatione c. 5. & illa præcipue verba bene perpendantur: Amor volat, currit, & lætatur, liber est, & non tenetur: dat omnia pro omnibus, & habet omnia in omnibus, quia in uno summo super omnia quietus, quo omne bonum fluit, & procedit.

MEDITATIO Finalis.

DE GRATIARUM ACTIONE PRO FELICI SUCCESSU EXERCITIORUM.

Scopus.

Fortis & constans Propositorum Executio.

Punctum I.

Considera I. Parabolam de arbore fici, quam S. Lucas 13. sic narrat. *Arborem fici habebat quidam plantatam in vinea sua, & venit quarens fructum in illa & non invenit. Dixit autem ad Cultorem vineæ: Ecce annis tres sunt, & nunquam venio quarens fructum in ficulnea hac, & non invenio. Succide ergo illam: ut quid etiam terram occupat? et ille respondens dicit illi: Domine, dimitte illam & hoc annus usque dum fodiam circa illam, & mittam stercora: Et si quidem fecerit, fructum: sin autem, in futurum succide eam.*

Considera, inquam, quam bene tibi hæc parabola applicari queat, quam convenienter tu dicaris arbori

quam Deus in vinea Ecclesiæ vel Religionis plantaverat, sed pro dolor, fructum optatum in te hæcenus non invenit.

Considera II. Quanta sit bonitas Dei, qui, cum iustissime possit, succidi te non iussit, sed paratus adhuc est uno anno expectare, ut tandem aliquando speratos fructus offeras, idèque in his exercitijs denuo te fodit, & excolit per tot, tamque salutares inspirationes ac illustrationes, tam copiosas consolationes, & tot denique tamque vehementes animi ad omne bonum commotiones.

Considera III. Quàm æquum sit, ut vel nunc tandem omnes vires contendas in perfectionis studio tamque liberali & beneficæ Dei culturæ aliquando respondeas. Colloquium ad SS. PP.

Punctum II.

Considera I. Quem potissimum à te deinceps fructum erigat, & expectet Deus, nimirum seriam & constantem propositorum executionem, in hac enim totus exercitiorum tuorum fructus consistit, ut merito de tuis propositis illud Christi dictum Luc. 10. applicare possis: *Hoc fac, & vises.*

Considera II. Quodnam sit breve tuorum propositorum compendium, scilicet: ut denuo singulari cum fervore omnium, quæ retrò sunt, oblitus, ad anteriora te convertas, id est, ad destinatarum perfectionis scopum atque bravium contendas, adèoque omnibus, quæ te impedire poterant, relictis, seriò atque constanter Christum per veram imitationem sequaris, mundòque actibì crucifixus soli DEO vivas.

Considera III. Quàm Deo gratus, tibi que ac proximo salutaris, jucundusque futurus sit iste fructus, quàm æquum proinde sit, ut omnem diligentiam adhibeas in fructu isto proferendo. Colloquium ad B. V. rogando, ut proposita tue suis purissimis manibus Christo offerre, & copiosam ad ea exequenda benedictionem impetrare dignetur.

Punctum III.

Considera I, Quibus medijs dictam propositorum tuo-
rum

rum executionem promovere possis; an non tria hæc præ
 exeteris placebunt? Primum oratio frequens, per quam
 Deo per SS. Patronos necessaria efficacique ad talem execu-
 tionem gratia petatur. Secundum frequens talium propo-
 sitorum renovatio, maximè in quotidianis meditationibus
 & examinibus, atque in hebdomadarijs, mensurisque recol-
 lectionibus. Tertium generosa sui victoria in potissimum
 aliquo impedimento removendo, ita enim Thomas Kemp-
 l. 1. c. 25. indicavit dum dixit: *Enim Verò illi maxime in
 Virtutibus præ ceteris proficiunt, qui ea, quæ sibi magis gra-
 via & contraria sunt, viriliter vincere nituntur; nam
 homo plus proficit, & gratiam meretur amplius, quo magis
 se ipsum vincit, & in spiritu mortificat.*

Considera II. Quàm efficacia sint hæc motiva, & veritas
 etiam experientiâ confirmata, ut qui majorem tui profectus
 partem illis adscribere debeas.

Considera III. Quomodo deinceps illa adhibere videas.
 Colloquium ad Christum rogando, ut, sicut te in solitudine
 nem hanc introduxit, ita etiam educere dignetur, sic carere
 ut prius benedictionem tibi copiosam largiatur, qui ad
 psum exemplum generosè cum hostibus tuis congredi, & vic-
 citèrque vincere possis.

Legatur ex lib. 2. de imit. c. 10. & illa præcipue verba
 bene ponderentur: Qui gratiam Dei retinere desiderat, sit
 gratus pro gratia data, patiens pro ablata; oret, ut
 redeat; cautus sit, & humilis, ne
 amittat.

